



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADSKO VIJEĆE

Odluka

o dopuni Odluke o imenovanju vršioca dužnosti predsjednika Skupštine Javnog preduzeća za upravljanje, zaštitu i održavanje objekata Grada Sarajeva i obavljanje komunalnih i drugih djelatnosti od javnog interesa Grada Sarajeva (JP „Sarajevo“ d.o.o.), na period do 3 (tri) mjeseca (Prijedlog)

Predlagač: Gradonačelnica
Obrađivač: Stručna služba za poslove kabineta i poslove Gradske uprave

Sarajevo, juli 2023. godine

Adresa: Hamdije Kreševljakovića 3
71000 Sarajevo, BiH
Tel: +387 33 216 659
Fax: +387 33 205 874
Email: gsgv@sarajevo.ba
Web: gradskovijece.sarajevo.ba



Na osnovu člana 31. stav (1) tačka b). Statuta Grada Sarajeva („Službene novine Kantona Sarajevo“, broj 7/23), a u vezi sa članom 6. Zakona o javnim preduzećima u Federaciji Bosne i Hercegovine („Službene novine Federacije Bosne i Hercegovine“, br. 8/05, 81/08, 22/09 i 109/12), člana 4. Zakona o ministarskim, vladinim i drugim imenovanjima Federacije Bosne i Hercegovine („Službene novine Kantona Sarajevo“, br. 34/03 i 65/13) i člana 19. stav (4) a u vezi sa članom 22. stav (2) Statuta Javnog preduzeća za upravljanje, zaštitu i održavanje objekata Grada Sarajeva i obavljanje komunalnih i drugih djelatnosti od javnog interesa Grada Sarajeva (JP „Sarajevo“ d.o.o.) („Službene novine Kantona Sarajevo“, br. 13/17 i 19/20), Gradsko vijeće Grada Sarajeva, na __. sjednici održanoj dana __. __. 2023. godine, donijelo je:

(Prijedlog)

Odluku

**o dopuni Odluke o imenovanju vršioca dužnosti predsjednika Skupštine Javnog preduzeća za upravljanje, zaštitu i održavanje objekata Grada Sarajeva i obavljanje komunalnih i drugih djelatnosti od javnog interesa Grada Sarajeva (JP „Sarajevo“ d.o.o.),
na period do 3 (tri) mjeseca**

Član 1.

U Odluci o imenovanju vršioca dužnosti predsjednika Skupštine Javnog preduzeća za upravljanje, zaštitu i održavanje objekata Grada Sarajeva i obavljanje komunalnih i drugih djelatnosti od javnog interesa Grada Sarajeva (JP „Sarajevo“ d.o.o.), na period do 3 (tri) mjeseca (u daljnjem tekstu: Odluka), objavljena u („Službene novine Kantona Sarajevo“, broj 30/23), iza člana 1. dodaje se novi član 1a. koji glasi:

„Naknada za rad u Skupštini preduzeća za vršioca dužnosti predsjednika Skupštine utvrđuje se u mjesečnom iznosu od 450,00 KM.

Naknada iz stava (1) ovog člana isplaćuje se ukoliko se u toku mjeseca održi najmanje jedna sjednica Skupštine“.

Član 2.

U preostalom dijelu Odluka ostaje nepromijenjena.

Član 3.

Ova odluka stupa na snagu danom donošenja i bit će objavljena u „Službenim novinama Kantona Sarajevo“.

PREDSJEDAVALAČI GRADSKOG VIJEĆA

Jasmin Ademović

Broj:

Sarajevo, __. __. 2023. godine

OBRAZLOŽENJE

PRAVNI OSNOV

Pravni osnov za donošenje Odluke sadržan je u članu 31. stav (1) tačka b) Statuta Grada Sarajeva kojim je propisano da Gradsko vijeće donosi odluke, druge propise i opće akte i daje njihovo tumačenje, u vezi sa članom 6. Zakona o javnim preduzećima u Federaciji Bosne i Hercegovine kojima su propisane nadležnosti Skupštine i člana 4. Zakona o ministarskim, vladinim i drugim imenovanjima Federacije Bosne i Hercegovine („Službene novine Kantona Sarajevo“, br. 34/03 i 65/13) kojima je propisano da se imenovanje može vršiti na najviše tri mjeseca.

Pravni osnov sadržan je i u odredbi člana 19. Statuta JP „Sarajevo“ d.o.o. („Službene novine Kantona Sarajevo“, br. 13/17 i 19/29) kojim je propisano da odluku o imenovanju i davanju ovlaštenja za vršenje funkcije predsjednika i članova Skupštine Preduzeća, kao i odluku o razrješenju sa funkcije predsjednika i članova Skupštine Preduzeća donosi Gradsko vijeće Grada Sarajeva na prijedlog gradonačelnice, te u članu 22. koji propisuje shodnu primjenu člana 19.

RAZLOZI ZA DONOŠENJA

Prilikom donošenja Odluke o imenovanju vršioca dužnosti predsjednika Skupštine Javnog preduzeća za upravljanje, zaštitu i održavanje objekata Grada Sarajeva i obavljanje komunalnih i drugih djelatnosti od javnog interesa Grada Sarajeva (JP „Sarajevo“ d.o.o.), na period do 3 (tri) mjeseca („Službene novine Kantona Sarajevo“, broj 30/23), odredbama iste nije utvrđen iznos naknade za rad u Skupštini Preduzeća za vršioca dužnosti predsjednika Skupštine te se iz navedenih razloga pristupilo dopunama osnovnog teksta Odluke na način kako je Prijedlogom Odluke i predloženo.

FINANSIJSKA SREDSTVA

Finansijska sredstva za realizaciju ove odluke nisu potrebna.